

雲笈七籤卷之一百三

廿三

宋真宗皇帝御製聖保德真君傳序

傳

宋真宗御製聖保德真君傳序

蓋聞天心降顧邦家所以會昌靈命丕昭神道所以協贊考載籍之攸記固今古而同符矧復善宗在于戰國基緒方始精感寔繁或山祇而見形或帝所而協夢其來已久斯謂不誣乃有接三統而開基將隆景業冠百神而儲佑茂顯明徵真條梅之名區號龜王之奧主見之於

翊聖保德真君矣太祖肇膺元曆觀德而無言太宗祗紹睿圖順期而前告若夫述玉晨之寶賸序斗極之仙階告國命之延洪示真科之秘曠洪威顯洽屏乎物魅神姦諄諄博臨揚乎天祺民祉由是靈壇爰峙徽稱斯崇欽奉於芬馨仰祈於先覺固惟九域咸被底綏豈止三秦獨增忻戴暨茲沙渺績乃基局仰嘉話之在人瞻至神之佑世由是載稽茂典恭益尊名以為上帝之恒符文考之真應

安可默而無述故當垂之不利爰詔輔臣俾詮靈訓詢求斯至編帙旋成想風烈而昭然思音微而可觀誠足鏤之金板秘于蘭臺披封奏歸美之心願裁於序引屬乙夜觀文之暇聊志於歲時題曰翊聖保德真君傳云爾

翊聖保德真君傳

推忠協謀同德守正佐理功臣樞密使開府儀同三司行吏部尚書同中書門下平章事上柱國大原郡公臣王欽若編集

建隆之初鳳翔府墊屋縣民張守真因避終南山忽聞空中有召之者聲甚清徹守真驚懼四顧無所見默行悚聽約數里又聞語云汝若先行吾即在後如是者數日守真莫能測既還其家又聞於室中曰吾受命降靈汝何為頑梗如此不聽吾言吾若不為宋朝大事當已粉碎汝矣守真方異之而且懼因囑未審是何星辰如此臨降守真性本愚慧且昧神祇願勿憑陵必無事奉乃曰吾是高天大聖玉帝輔臣授命衛時來龍降世但以非

正真之士無以奉吾教汝有異骨不類常流汝可虔心奉吾道訓也守真曰竊聞在男曰巫在女曰覡守真雖處凡庸恥為慈類又曰吾上天之神非鬼魅也五嶽四瀆吾能使汝若迴心入道勤奉香火當令汝應大國之徵命受真主之恩遇豈同巫覡之輩耶守真曰神人既若此教導敢不虔事乃設酒肉之饌以祀焉又聞言曰吾神人也汝何為以腥穢瀆我以汝未曉不欲罪汝此去但以香茶及素食鮮果為供吾雖不食飲汝之意也守真稽首而謝又曰吾為汝天上之師汝別有人間之師但訪高士以求度焉守真乃禮古樓觀先生梁筌為師度為道士遂於所居之側擇隙地出家則於北帝宮內立殿以事神旦暮崇奉頗極精至神謂之曰觀汝虔心稱吾教導貞潔之士可以驅邪吾先將誨汝劔法俾汝為民除妖後當令汝結壇俾汝為國祈福守真再拜曰守真本實凡庸粗懷愚直當緣夙生奉事乃致今獲歸依願以至心永奉靈德壇儀劔法恭俟靈訓

真君曰劔法有三但以剛鐵銀為利刀吾目一視便可用也有疾之人俾汝揮擊邪氣銷鏢其人無損或地祇作孽水族生妖分野為災國家軫慮當以上劔治之或山澤之怪飛走之雄震駭間閻侵暴暴惡當以中劔治之或魘魅之徒孽魘之輩挾邪暴物作祟害人當以下劔治之守真曰三劔之法已聞命矣結壇之儀伏俛指教

真君曰結壇之法有九上三壇則為國家設之其上曰順天與國壇凡星位三十六百為普天大醮旌旗繼劔多矣法物羅列次序開建門戶具有儀範其中曰延祚保生壇凡星位二千四百為周天大醮法物儀範降上壇一等其下曰祈教福時壇凡星位一千二百為羅天大醮法物儀範降中壇一等儻非時禱祀不及備此三壇亦當精潔詞章鮮異花果扣鼓集神懸禱而告去地九尺焚香以奏亦可感應也中三壇則為臣寮設之其上曰黃籙延壽壇凡星位六百四十其中曰黃籙臻慶壇凡星位四百九十其下曰黃籙去邪

壇凡星位三百六十此三壇所用法物儀範各有差降下三壇則為士庶設之其上曰續命壇凡星位二百四十其中曰集福壇凡星位一百二十其下曰却災壇凡星位八十一所用儀範量有等差此九壇之外別有應物壇或六十四位或四十九位或二十四位法物所須各以差降士民之類可量力而為之如臣庶上為帝王祈祐當作祈穀福時壇凡一千二百位或為父母師尊禳災祈福當為醮設壇隨儀增益也守真拜而受之自爾多有徵驗不能備紀乾德中太宗皇帝方在晉邸頗聞靈應乃遣近侍齋信幣香燭就宮致醮使者齋戒焚香告曰晉王父欽靈異欲備俸緡增修殿宇仍表乞勅賜官名

真君曰吾將來運值太平君宋朝第二主修上清太平宮建十二座堂殿嚴三界中星辰自有時日不可容易而言但為吾啟大王言此宮觀上天已定增建年月也今猶未可使者歸以聞太宗驚異而止太祖皇帝素聞之未甚信異遣使齋香燭青詞就宮致禱召守

真詣闕備詢其事守真具言之且曰非精誠懇至不能降其神仍以上聖降靈事述聞奏太祖召小黃門長孺於側謂守真曰神人之言若此乎守真曰陛下十儻謂臣妖妄乞賜按驗戮臣於市勿以斯言褻黷上聖詔守真止於建隆觀翌日遣內臣王繼恩就觀設醮移時未有所聞繼恩再拜虔告須臾真君降言曰吾乃高天大聖玉帝輔臣蓋遵符命降衛宋朝社稷來定退長基業固非山林魘魅之類也今乃使小兒呼嘯以此吾言斯為不可汝但說與官家言上天宮闕已成玉鏤開晉王有仁心晉王有仁心凡百餘言繼恩惶懼不敢隱具錄以奏因復面言神音歷歷聞者兢悚太祖默然異之時開寶九年十月十九日之夕也翌日太祖升遐太宗嗣位尋召守真於瓊林苑為周天大醮作延祚保生壇醮罷真君降言於內臣王繼恩曰吾有言汝當為吾奏之曰建隆元年奉帝言乘龍下降衛人君掃除妖孽猶闕事縱橫整頓立乾坤國祚已與長安

秦兆民樂業保天真八方效貢來稽首萬靈
振伏自稱臣親王祝壽須焚禱迥相度潔向
君親吾有捷疾一百萬諸位靈官萬垓人若
行忠孝吾加福若行悖逆必誅身賞罰行之
既平等天無氛穢地無塵愛民治國勝前代

萬年基業永長新

繼恩錄之於簡翌日以聞太宗覽之驚異稽
首謝曰國家之幸宗廟之慶慶高上聖賜此
格言命賦藏於內殿尋遣內供奉官王守節
起居舍人王龜從就終南山下築宮方卜地
於終南鎮

真君忽降言於龜從等曰此地乃修建上帝
宮闕之地不可易也於是乃定凡三年宮成
中正之位列四大殿前則玉皇通明殿次紫
微殿次七元殿次真君所御殿東廡之外有
天蓬九曜東斗天地水三官四殿西廡之外
有真武十二元神西斗天曹四殿又有靈官
雲南斗閣並列星宿諸神之像鑿鍾經二樓
齋道室廡不完備建碑以紀其事題曰上
清太平宮一如真君預言之制命常參官一

人監官擇道士焚修每歲三元及誕節上本
命日並遣中使致醮祀神之夕上望拜焉歲
或水旱或國家將舉事率致禱焉初宮成真
君忽降言謂王龜從等曰汝奉詔修宮勤則
至矣然何為不開日月華門不畫八小殿壁
增輝燦燦亦未嚴備惟求速成以冀息龍然
上天亦不掩爾功亦不赦爾罪守節龜從頗
切驚懼然已奏訖役不及增備惟稽首祈謝
及至闕皆復增秩賜白金千兩既而守節淅
疾而亡龜從歿於兵刃此乃不掩功不赦罪
之戒明矣太平興國初太宗皇帝親征太原

真君忽降言於守真曰官家已臨汾晉非久
尅復城池汝當令監官內臣等設醮以謝勝
捷於上帝守真等曰國家大事乞俟捷音真
君曰上天已定勝負也踰旬而王師告捷監
官等以聞帝遣內臣盧文壽齋內庫香藥御
署詞章詣宮陳醮以謝上帝是夕真君降言
曰官家設此大醮上帝與諸天皆喜國祚延
遠過於有唐矣至六年守真以乾明節詣闕
朝賀召見因而奏曰聖真下降備為昌朝乞

降詔加號以答靈贖上允其奏尋下詔曰太
平宮神受命上穹降靈下土茲芬致薦於靈
有微大庇斯民屢垂丕貺宜加美號以答神
休其封神為翊聖將軍詔命至官守真焚香
以告真君忽降言曰汝當上問官家所言翊
聖者翊於何聖守真數日疑懼不敢答復言
曰汝但馳奏官家不罪汝守真遂具章以聞
太宗覽之召近臣謂之曰
玉帝輔臣所輔翊者上帝也當以此意報守
真令啓白也既而內臣傳命到官守真詣殿
焚香以告真君曰此意是也七年守真復詣
闕朝賀真君忽降言曰吾有言汝當聞於官
家曰
大道興隆陰謀滅諸天眾聖皆欣悅末朝社
稷甚延年大平景運初與發君上端心顯明
哲愛民治國常須切萬年基業永長新金枝
玉葉無休歇
守真得之到闕以聞詔賜守真紫衣號崇元
大師自後每遣使醮告
真君或有言守真皆密以聞至道初忽降言

真君或有言守真皆密以聞至道初忽降言

謂守真曰吾建隆之初奉上帝命下降衛時今基業已成社稷方永承平之世將繼有明君吾已有期却歸天上汝等不復聞吾言矣儻國家新構但嚴潔焚香北面告吾雖不降言當授福衛護宗社又曰汝遇吾下降至今三十五年勤亦多矣

上帝已有符命授汝為五土之主此限滿日升汝仙官汝亦不久住也自是不復降言明年閏七月十六日守真謂門人等曰吾已領符命今將去矣言訖而化既而聖上嗣位崇奉之典率遵舊式治受元符封泰山建玉清昭應宮於宮中寶符閣之西北隅作凝命殿殿後為凝命閣以奉真君大中祥符七年詔曰誕敷寶命仰荷於至神昭報殊徽度增於懿號蓋為邦之大典庇民之深旨也而況翊宣元化式表衆靈司陰陽於含生播明威於福地當玉基肇啓固降治而已彰洎文考續承復先期而斯應由是亟營珍館備薦徽章蒙介福於無垠佐鴻圖於累感顧惟眇質紹撫綿區屬典禮之交修實祺祥之沓委緬懷

幽贊罔怠欽崇是用益以丕稱奉之茂則式達至精之懇庶伸祇答之文期克享於寅恭永保寧於品彙爰頒成命備告宰司深體予懷共宣其事翊聖將軍宜加號曰翊聖保德真君自真君之降世也或時有所

受入即傳錄而岐雍之間有物魑妖怪為害之極者皆投誠致告則守真祈禱未敢而往靡不祛殄凡所靈驗不可勝紀今錄其傳聞者云守真常朝禮至玉皇大殿觀其題曰通明殿不悅其旨因焚香告曰通明之理竊所未諭敢祈真教

真君曰上帝在無上三天為諸天之尊萬象群仙無不臣者常墜金殿殿之光明照於帝身身之光明照於金殿光明通徹無所不照故為通明殿諸天帝君萬靈侍衛仙衆梵佛悉來朝謁仰視其殿惟見大光明中

上帝儼然仙班既退光明徧徹諸天焉有王叟者年七十餘少事戎帥老而退居終南鎮騰氣雄傑談五代時事歷歷可聽每聞妖怪誕妄之事則扼腕切齒自真君之始降未甚信嚮泊目觀靈異欣然歸仰自後常日二時赴宮焚香伏拜雖風雨霜雪未嘗暫曠一日忽告守真啓殿門瞻禮焚香且泣曰老夫本懷剛氣幼事軍門不信邪魔常守正直百生有幸得遇

上真今已衰耗大期將至所願歸全之後得在左右以備驅使為萬足矣真君降言而許之未幾叟無疾而終踰旬守真忽於真君殿前聞空中有呼其名者曰我鐵輪將軍也汝何以略不見錄守真仰而問曰真君左右有

四將軍常侍殿中守真常所處事未知鐵輪將軍是何星辰名位空中又曰我即王叟也曾有至願乞侍左右今蒙收錄使當鐵輪位在四將軍之下汝今後或有醮祭勿忘吾名也真君嘗謂守真曰吾每巡遊周天有諸位靈官捷疾史兵數逾百萬孽孛妖沙知吾騎從所至皆屏跡遠避嶽鎮海濱可以麾召而

世之物魅邪怪豈足數耶吾念汝正直付汝劍法俾汝為民救患攘災汝宜精勤無或懈

息積功立名加惠及物上天所鑒當錄汝名若慢道輕教不守虛寂自有陰責矣吾若一怒萬物立為埃塵汝其可當乎然汝每有貴罰乃吾小將軍怒汝不專謹爾汝自宜致恭於彼汝所與念彼各預知不可欺心貽汝禍患守真嘗一日從容焚香虔誠問曰守真親釋氏之教言天上天下無如佛者未知三清之上品位何若願賜真語以蠲蒙滯真君降言曰佛即西方得道之聖人也在三清之中別有梵天居之上帝則如世之九卿奉天子也守真曰其教流演頌感於世又何理也真君曰教流中夏帝之念也隨世盛衰亦帝之念也守真曰道釋經典並垂於世未嘗崇奉何者即獲其福真君曰太上道德經大無不包細無不納修身鍊行治家治國世人若悟其指歸達其妙用造次於是信奉而行豈惟增福諱無所不至矣釋氏之四十二章經制心治性去貪遠禍垂慈訓誠證以于惡亦一貫於道夫奉之求福固亦無涯至于周公孔子皆列僊品而

五經六籍治世之法治民之術盡在此矣世雖諷誦多不依從若口誦而心隨心隨而事應仁義信行禮智之道常存于懷豈惟正其人事長生久視之理亦何遠矣守真又嘗啓請云於南山中赤谷神祠者近鄉之人多所祈祀屠牛擊豕以為饗饌酒樂喧沸民氓鼓舞若斯之事其復佑乎真君曰終南山定名山福地人凡境聖今古皆然興妖致邪殺命祈福以茲俟福斯亦遠矣既而草竊潛匿其下捕賊者積薪焚之祠宇燬燼寂無靈異建隆末長安進士劉頌頗有文學出於流輩嘗詣官再拜禱曰頌欲知將來位秩高卑願賜靈許真君降言曰天賦汝文性不賦汝祿位汝若學道退閑當猶延永若妄求進身慮促汝壽算也頌聞之不悅而退後三歲果無成而卒雍熙中華山希夷先生陳搏卒於張超谷石室中世多傳其羽化守真朝禮之次因焚香啓告曰華山陳搏近卒時人謂之尸解未審其人功行證仙階乎敢希上真略賜指諭

真君降言曰搏之鍊氣養神頗得其要然及物之功未至但有所主宰爾端拱中知鳳翔府比部郎中高凝祐嘗就官致禮既去真君忽降言於監官李鑄曰高凝祐行虧忠信死非久矣鑄竊志之俄而凝祐秩滿還京為三司判官鑄聞之乃復焚香啓告曰高凝祐今為此職又何福耶真君降言曰死將至矣數月而凝祐卒吏部尚書宋白乾德中家于盤屋有弟顯小字曰岐哥年十餘歲為狐魅所惑號呼無度舉動失常忽力敵數夫家人莫能制醫破之蓋至者必遭凌撲白因齋心遣所親詣官致禱懇求衛護真君降言曰汝去吾當令守真往彼守真受教而往方至其家坐於客館而岐哥已覺悼惶失次家人遽出迎拜守真具問之因厲聲呼其名須臾岐哥掉其首從中唯唯而出至守真前戰汗悚息守真呵責移時鬼乃露形叩頭伏罪守真以術戮之應手而斃岐哥計地良久而蘇即獲平愈

真君嘗忽謂守真曰山下李靖廟中有狐鬼數十盤泊於彼本方地神適有馳報慮其為妖害民汝可速往逐之守真稟命仗劍而去須臾坐於廟前寤呼數四俄而狐鬼數十悉出徧列於前惶遽驚悸守真乃責之曰此上

真下降之地汝輩豈宜雜處今未欲戮汝可速返林莽無以血汗我靈劍鬼等相顧狼狽匍匐而散守真自往至還曾不移時寓官道士王德淵問其所適守真具道之德淵曰自此至彼往復二十里何其速耶守真曰我離廟時以劍揮下庭樹低枝在地可驗也德淵俟曉躍馬而觀焉果於廟前聞腥穢之氣不可近得斷枝而還始再拜稱異時又有妖狐數百在邠州城中頗為怪異守真聞之因焚香致告具道其事願奉教往彼除之

真君降言曰此狐妖輩嘗於長安南山中化形為菩薩之狀誘彼居民捨財為供其間迴心歸善亦十有八九

上帝以此故授其符命俾為邠州土地亦有隄數供其歲滿當自遠去無能為害汝不必

往也開寶中鳳翔府民陳英美家有山魃為怪投擲瓦礫日盈其庭時放煙焰欲焚其舍財物耗散親族愁苦名術士禳禁命僧徒誦誦皆不能止乃移居遠處亦躡蹤而至英美計無所出因齋戒持香躬詣宮庭稽首以告

真君降言謂守真曰汝今速受吾命令往為除守真再拜負劍躍馬再宿而至其家而擲瓦之聲喧囂如故觀者填隘皆曰此道士必不能去此怪守真乃盥滌嚴潔整衣引劍而入其怪忽然而止是夕為壇於庭中守真嘆劍立其上厲聲徐呼曰山魃鬼何在乎儻為妖未已當出與吾較勝不然則當去萬里之外釋汝之罪如是移時消無影響自是其家安爾乃隨守真詣官陳懇以謝焉又長安富民楊氏家有鬼物為怪擲瓦縱火一日萬變

聚族愛惶莫可寧處時有術士李捉鬼者无善符箓楊氏召之方及其門若為物所繫向而而起俄復頭墮如是者三遂狼狽而走楊氏復召僧來為道場誦經作梵唄以往之俄又若有物攫其道具或投於屋或棄於井群

僧惶懼而去乃至持衣粘石亦自空中騰起三三兩兩相逐而落中庭遇物凌觸而物無所損如是之怪尤眾不可具紀楊氏素聞真君之靈乃躬持香燭等馳赴艾禱具言其怪且求驅殄

真君降言曰汝當速歸吾令守真繼往也守真再拜而往其家士民觀者填隘其戶守真易衣整冠咒水揮劍行於四隅其怪即寂然無聲守真謂楊氏曰此妖伏矣請為醮以往之向夕結壇焚香禮畢而去一城之衆稽首稱歎守真既歸楊氏隨詣官中陳懇以謝又富民劉文琛者忽為狐鬼所惑心神恍惚動止不寧市中逢道流語之曰子面有妖氣必為邪物所著

真君下降可虔心禱之必愈斯疾文琛乃自齋香燭晨夕馳赴中路為鬼物所迫或為僧尼婦女或為商賈萬端誘惑不進文琛既迷且惑復遇道流於路具告其故道流曰是皆鬼物也汝宜速往無或退志為羣妖所害文琛心悟不數日奔迫至宮潔齋懇至百拜殿

下

真君降言曰知汝遠來吾今守真為汝除邪是夕守真立文璣於庭中守真仗劍吳水呵叱數四文璣憤然踏於地移時而起曰適先生呵叱之際見數人若神將者各持二鬼而去文璣惶駭不覺顛仆今神思清爽如醉之始醒也百拜而去

真君之臨降官吏庶不遠千里或馳誠送禱或齋戒朝拜以祈真受時有所聞大抵多隨其性習加以訓勗人臣依於忠人子依於孝清淨者示之格言貪酷者警以要道詞甚平易頗叶音韻然復聞之者至寡今據其所傳錄之如左乾德中驪山白鹿觀道士馮洞元朝禮之次焚香虔告曰洞元講孔子之書依老氏之教積有年矣而修身鍊行未得真旨幸逢

上真敢求一言

真君降言曰

到境始知安形忘靈物閑真空須照達幽微即大還動觀無障礙希夷合自然功成神莫

測變化可冲天去住由自己三官赦舊愆命曹除罪簿六丁奏上天來生要修道須知無上源

洞元百拜虔謝而去開寶中侍御史路冲奉詔知鳳翔府就官禮請守真就府署中陳醮祈降是夕潔齋致禱曰冲身居職守阻拜真儀輒以瘼濼虔祈降鑒乞賜真語以導蒙昧真君降言曰盡力事君以為忠臣濁財勿顧邪事莫聞整雪刑獄救療人民勸合王道終為吉人積愆累咎必有沈淪眾生本無形之性配有形之軀曠劫以來不能自悟自有無極世界不夜之鄉混合太虛杳冥同理

又曰

六合乾坤內眾生多不會造業向前行如盲蒼江海如將智慧觀自越千重海

冲再拜錄而奉之左楠闕王龜從一日齋心詣官焚香懇禱曰凡庸賤類蒙各無涯幸逢上真願賜靈誨如何修身以獲遐壽

真君降言曰勸汝修鍊莫如精勤精勤不怠上聖皆聞太平降世用武興文無文則不正

用武則益君食祿利勿違王命行吉善但守清貧清貧者響合天地濁富者像火投冰投冰者火緣漸滅積惡者自貫其身自貫者殃及七祖地府一痛害及親吾懸千尺之索提鈞有緣之人道之尊德之貴大道能生一切

物眾生頭象天足象地中心空然合真理鑿戶牖以為室房室之中有一物亦無形亦無影杳杳冥冥人不識若能識者得長生陽在天陰在地二氣同和誠有謂空中造化乃自然自然之中生萬類天不高地不平大道混合虛無理學道眾生審欲聞此是修行崇妙門開寶中丞相沈倫嘗連綿卧疾虔心遣使詣官陳醮致告曰倫濁穢之質病惱所侵如何修行得免茲患敢期聖語以導愚蒙

真君降言曰靈物不病形軀自安形軀有病返照而看來人錄之歸致於倫倫捧覽之驚喜曰吾得之矣身而疾愈復遣人詣官醮謝道士王德淵因遊終南山寓止宮中勤奉香火好養生而性褊多所志怒忽一日

真君降言謂之曰汝學道修真先當調習其

性以順天和志諸有為勿耗心識融怡凝湛道乃可見復戒之曰莫管內莫管外來往真靈無罣礙所居安樂是汝家各自動行莫相待莫相待先達之人無滯礙真空妙樂有天堂與聖相同滅諸罪

又曰

妙理須行到周旋皆合道舉措見真空真空無煩惱混合太虛中自有無聲樂地鑪天電問皆同凡聖道常將智慧觀可向今生

德淵曰上感

真君降言教示不曉前篇內與聖相同滅諸罪願垂誨諭

真君曰汝若除煩入靜鍊心修真積累其功數盈之後泥丸百節元神靈通而自同於聖天堂妙樂無所不至豈更有諸罪也故言與聖相同滅諸罪太平興國中駕部員外郎李鑄嘗知鳳翔府備觀靈應儀復奉詔監官凡十餘年志願嚴潔真君前後降語僅十餘篇其所錄者數首

一曰

建隆之初方察希夷上帝命吾衆聖皆知乘龍下降列宿相隨五嶽受命主張地祇潛扶社稷密佐明時吾要李鑄知吾降期不得輕泄免漏天機

又曰

與吾獨異佐國與吾以道理民與吾慈善理家與吾不飲自醉醒時理民醉時理神此語是延年益壽之法吾勸府主記取

又曰

為官求理在貞明智慧俱通臨事清觀天行道合陰德食君爵祿常若驚為吾洗心復換骨背凡入聖奔長生天官快樂勝凡世不夜之鄉挂一名

又曰

府主累世為人生中國與吾清直莫行斜曲與吾積善累功與吾輔佐明主與吾洗雪黎民與吾掛心刑獄上帝若知名天官也剋取捨住世轉流之財但修取有形之像獲隨身之功得無量之福與吾不得因循不柰時先迅速靈官賞汝功

勲天曹與汝添福若一一休吾聖言必得延年益壽

又曰

年登七十餘住世不久居饒君壽百歲問汝得幾秋地府直須怕冥司難請求有功無驚懼積罪必遭誅子孫難替代早覺莫癡愚

又曰

有緣無緣福業相牽有緣福至無緣業纏三業大罪信根不圓若違吾語如倚太山

又曰

聽吾之語必延年亦將康健保安然至誠不返修真理今生若在玉皇前

又曰

為汝虔心星辰下降來駕於玄風去乘於法雨開盲愚之耳目迴積惡之人心盡歸投於正路因汝驟告上玄惡人盡來歸敬此汝之功也吾已與汝聞於上帝俾汝獲福也汝宜清者重清白者重白明者重明勿初動末怠中路變異迴清為濁

迴善為惡設靈官奏聞

上帝若知有誤於吾也又七月十日夜

真君降言汝忠勤奉國惠愛臨民更要用心勿違吾誠未遇吾之前所作諸惡吾與汝並銷除也遇吾之後況無諸業左右已錄汝功也

更須晨夕與吾積其善功勿得怠惰吾聖言也又曰但行王事沈靈寃沈常差靈官護助汝也或有諸事常行平正依吾聖言況是太平君治化諸事前程汝但莫憂

又曰

托托莫憂煩軍府自然安每事依王道從他天下傳

又曰

為主虔誠拜上玄宋朝社稷係長安不久太平天下樂一家受福鎮如山

又曰

為主合虔誠將心助太平天官繫其職每事更宜精衆聖皆知汝舉措直須驚一朝功滿後永住看三清

又曰

生前莫亂憂已後亦無愁主判陽間事凡人得幾秋但依聖言者長生上天求

鑄每受一篇未嘗不長夕諷誦馬又嘗謂鑄曰汝年及八十別無修鍊之功未免掩形升魂亦當有所主掌爾鑄再拜曰此生得遇

上真下降屢受秘語他日僕獲主掌願與守真同列

真君曰人間官職守真不及汝天上名位汝不及守真也但心歸真正升仙階亦有時矣淳化中西京留守中書令趙普嘗遣使備禮

致醮虔祈願聞休咎

真君降言曰趙普扶持社稷甚有功勳

上帝所知賜汝福壽然以大妨小幽府亦有寬對當啓誦真經告祈天地首懺前非吾亦與汝達于

上帝庶解茲咎汝官職壽數已有限矣其使錄之而去昔晚讀感涕因焚香謝過復遣人詣官設醮給事中參知政事賈黃中嘗遣人投誠致禱以祈聖誨

真君降言曰聖主命臣臣之事君道佐當代

心依古人善惡無隱姦邪必聞君臣合道可立功勳

又曰

愛民用心賞罰平等但依吾語合家保安殿中丞張卓嘗乞聖言

真君曰大道養汝性陰陽生汝身為吾勤行道為吾勤修真公廉常用意憂恤在乎民遇時佐明主清濁上帝聞濁當終不久清貧為天人莫教人道富從他人笑貧自有真家富清高不愧負

又曰

形凡性不凡為國顯清廉家積千餘口有罪自家擔

又曰

但服陽和氣天竈再熏蒸地鑪別有用道德日日新延年積福應真空若至清虛無有妙理度脫有緣人

道士周務本嘗詣官奏詞一通乞降真語真君降言曰汝有詞言慕上天其如心意隔關山仙官不遠如指掌內外工夫全未圓陰

官察錄無謹過免墮鄴都數百年休吾所語

合吾道要優三清應不難

張守真子元濟常齋戒詣官

真君降言曰汝父守真遭逢於吾故令子孫

受福汝豈不聞信州龍虎山張道陵至今子

孫不絕亦逢於上聖得道之後應及後世汝

亦於吾有緣直須在家孝於父母食祿忠於

帝王立身揚名豈非好事又誨之曰

無事莫街行動學必立名揚名在天下道廢

有長生

又曰

為過自家知善惡日相隨分明違天道問汝

阿誰癡

淳化中

真君降言示守真曰當今顯聖明修德勳三

清上天歸正道四海息交兵八方欽齊聖五

教盡收成勸君須修德上帝賜長生

又曰

關西賊寇緣應時數官家須指揮招提使臣
莫殺平民官家修德之際正賊須剪滅又嘗

降言誠輔道士曰

千人心不同萬人心皆錯舉意不通與聖

難相約

真君又嘗降言誠官吏等曰

每存忠信齊其天文武班行自有賢為主萬

年定基業常憂黎庶恐飢寒長行德行合其

道燒香虔祝告虛玄但願國安君長又齊心

輔佐太平年

又嘗降言誠朝臣等曰

擎天之柱著功勳包羅大海佐明君文王治

世及堯日輔弼乾坤在忠臣為主直須行決

烈死生齊却戴皇恩常行吉善合其德慎終

如始莫憂身

進翊聖保德真君事迹表

臣敢若言臣聞高穹瞻命元聖膺期必有至

神幸彰謨贊訓標於保又雅頌載於監觀

考古今之宜符見天人之交感日欽若誠慶

誠於頓首頓首伏以靈源錫羨炎德嗣興景

祚有開玉徵允赫惟玉晨之元輔奉全闕之

明威降精華不貳之民願陰陽莫測之造位

大邦之啓運各神宗之紹圖兆自幾先肇乎

聞聽壽是增隆靖館茂薦徽稱年與崇統

禧聖答乃至播紳卿士橫目蒸黎稽首以瞻

眸容洗心以佇靈語隨其性之遠近視其器

之淺深時亦戒以微音警其蒙惑諄諄之誨

咸洞其隱微豈豈之悞滑識其真正或懸懸

為孽真鼎之所未刊或背背致於秦晉之所

難究亦復俯聆皮懇遠授指蹤真教擬臨羣

邪必殄七竅之象既炳於人察風教之遊至

運於霄極永載必芬之紀潛施應祐之祥凡

厥祕言悉存舊錄將伸倫次以示方來敢謂

微臣猥承明詔齊心仰誦盟手統持真究淵

渾粗伸紳縉縉念上真之茂躋實為昭代之

明徵豈夫庸瑣之材輒敢形容其事伏望皇

帝陛下垂流注覽援翰稿文賜名以紀芳徒

作序以冠篇首式彰實奉永耀洪沐臣無任

瞻天望聖戰汗屏營之至其所錄成

真君事迹三卷謹隨表上進以聞臣誠惶誠

懼頓首頓首謹言

批荅

省表具之夫妙道為大本於若沖至神無方
昭乎善應惟玉虛之元輔寇瓊簡之真階幽
質裁成靈彰陰陽當聖祖之受命降福環而
炳靈遠文考之紹休告

帝期而前兆式申美報聲建殊庭奉禮禮之

嚴科介蒼黔之丕祉若乃夷微委鑿胎靈攸

憑示誨誨以惟勤昭明威而巨測恍兮之應

猶響泠然之馭並旋自朕慕承實加崇奉儀

辟儀於恭館薦嘉號於元都念秘誥之具存

表格思之依感期於綜緝以耀休徽卿任冠

樞衡道熙邦承雅資博洽庶就編聯而能細

細快以惟精封縹囊而來上懇求制序復冀

命名再循淺昧之辭曷叙直聰之烈勉從勤

請良積覲懋嘉尚之懷寤典無捨所請宜依

雲笈七籤卷之一百三

雲笈七籤卷之一百四

廿四

雲笈七籤卷之一百四

傳

玄洲上卿蘇君傳周季通集

先師姓蘇諱林字子玄漢陽曲水人也少稟

異操獨逸無倫訪真之志與日彌篤常負擔

至趙師琴高先生時年二十一受鍊氣益命

之道琴高切為周康王門下舍人以內行補

精術及丹法能水游飛行時已九百歲唯不

死而已飛仙也後乘赤鯉入水或出入人間

而林託景丹青志不終此後改師華山仙人

仇先生仇先生者湯王時木匠也服胎食之

法還神守魂之事大得其益先生曰子真人

也當學真道我迹不足躡矣乃致林於消子

消子者真人也既見之遂授以真訣告林曰

欲作地上真人必先服食藥物除去三尸殺

滅穀蟲三尸者一名青古伐人眼是故目暗

面皴口臭齒落由是青古之氣穿鑿泥丸也

二名白姑伐人五臟是故心氣少喜忘荒

悶由白姑貫穿六府之液也三名血尸伐人

胃管是故腸輪煩滿骨枯肉燥志意不開所
思不固失食則飢悲感歎精誠昏急神爽
雜錯由血尸流噬魂胎之關也若不去三尸
而服藥者殺食雖斷蟲猶不死也徒絕五味
雖動吐納亦無益者蓋其蟲生而求人不死

不可得也是故服食不辟於死生由青古白
姑血尸三鬼不去所致爾雖復斷殺人體重
滯奄奄淡悶又所夢非真顛倒醜錯邪淫不
除由蟲在內搖動五神故也凡欲求真當先
服制蟲丸制蟲丸者一名初神去本丸也欲

作真人當先服制仙丸制仙丸者太上八瓊
飛精之丹也失求長生不死仙真之初固不
先服制蟲丸以除尸蟲建長生之根矣若人
腹中有蟲寧得仙乎形中饒鬼安得真乎其
蟲凶惡速人之死故當除之消子後告林曰

我被帝召上補中黃四司大夫領北海公去
世無復日也後林詣消子寢靜之室得書一
幅以遺林也其文曰五斗三一太帝所秘精

思二十年三一相見授子書矣但有三一長
生不滅況復守之手能存三一名刊玉札况